



Province of the
EASTERN CAPE
EDUCATION



NASIONALE SENIORSERTIFIKAAT

GRAAD 12

JUNIE 2023

EKONOMIE V1

PUNTE: 150

TYD: 2 uur

Hierdie vraestel bestaan uit 13 bladsye.

INSTRUKSIES EN INLIGTING

1. Beantwoord VIER vrae soos volg in die ANTWOORDEBOEK:

AFDELING A: VERPLIGTEND
AFDELING B: Beantwoord enige TWEE van die drie vrae.
AFDELING C: Beantwoord EEN van die twee vrae.
2. Beantwoord slegs die vereiste aantal vrae. Antwoorde wat die vereiste aantal oorskry, sal NIE nagesien word NIE.
3. Nommer die antwoorde korrek volgens die nommeringstelsel wat in hierdie vraestel gebruik word.
4. Skryf die vraagnommer boaan elke antwoord.
5. Lees die vrae aandagtig deur.
6. Begin ELKE vraag op 'n NUWE bladsy.
7. Laat 2–3 reëls tussen onderafdelings van vrae oop.
8. Beantwoord die vrae in volsinne en maak seker dat die formaat, inhoud en konteks van jou antwoorde aan die kognitiewe vereistes van die vrae voldoen.
9. Gebruik slegs swart of blou ink.
10. Jy mag 'n nieprogrammeerbare sakrekenaar gebruik.
11. Skryf netjies en leesbaar.

AFDELING A (VERPLIGTEND)**30 PUNTE – 20 MINUTE****VRAAG 1**

- 1.1 Verskeie opsies word as moontlike antwoorde vir die volgende vrae gegee. Kies die antwoord en skryf slegs die letter (A–D) langs die vraagnommers (1.1.1 tot 1.1.8) in die ANTWOORDEBOEK neer, byvoorbeeld 1.1.9 D.
- 1.1.1 Nasionale inkomste sal toeneem wanneer ...
- A $I + G + X = S + T + M$.
 - B $I + G + X > S + T + M$.
 - C $I + G + X < S + T + M$.
 - D $I + G + X - S + T + M$.
- 1.1.2 Een van die grootste uitdagings wanneer die nasionale inkomstesifers bereken word, is ...
- A dubbeltelling.
 - B die residuele item.
 - C vergoeding van werknemers.
 - D netto inkomste.
- 1.1.3 Die wisselkoersstelsel waardeur markkragte absolute beheer het, word die ... wisselkoersstelsel genoem.
- A vaste
 - B vryswewende
 - C beheerde
 - D absolute
- 1.1.4 Gesamentlike aanbod in die ekonomie kan deur ... gestimuleer word
- A die verhoging van koste
 - B ondoeltreffendheid van insette te verbeter
 - C dieselfde koste te handhaaf
 - D die doeltreffendheid van markte te verbeter
- 1.1.5 Die instelling wat jaarliks skriftelike verslae aan die parlement verskaf oor die standaard van finansiële bestuur van elke staatsdepartement:
- A Tesourie beheer
 - B Ministeriële verantwoordelikhede
 - C Ouditeur-generaal
 - D Parlementêre ondervraging

- 1.1.6 Openbare goedere waar vry-ryers uitgesluit word deur fooie, heffings of tolgeld, is ... -goedere.
- A kollektiewe
 - B privaat
 - C gemeenskap
 - D verbruiksgoedere
- 1.1.7 Wanneer 'n geldeenheid ... is, kan rentekoerse verlaag word wat tot 'n uitvloei van buitelandse valuta sal lei.
- A oorwaardeer
 - B gedepresieer
 - C onderwaardeer
 - D waardeer
- 1.1.8 Die tipiese skommeling van 'n sakesiklus sal 'n ... wees.
- A opswaai – afswaai – trog – piek
 - B piek – afswaai – opswaai – trog
 - C piek – opswaai – trog – afswaai
 - D afswaai – trog – opswaai – piek
- (8 x 2) (16)

- 1.2 Kies 'n beskrywing uit KOLOM B wat by die item in KOLOM A pas. Skryf slegs die letter (A–I) langs die vraagnommers (1.2.1 tot 1.2.8) in die ANTWOORDEBOEK neer.

KOLOM A	KOLOM B
1.2.1 Progressiewe belastingstelsel	A aankoop van bates soos aandele of effekte, waar die belegger slegs in die verwagte finansiële opbrengs op die belegging belangstel
1.2.2 Nasionale rekening gemiddelde	B gemeet van piek tot piek of trog tot trog
1.2.3 Amplitude	C toon die regering se geprojekteerde inkomste en uitgawes vir drie jaar
1.2.4 Portefeulje-beleggings	D gehef volgens die bedrag verdien
1.2.5 Mediumtermyn-bestedings-raamwerk	E internasionale riglyne vir die ontwikkeling en verslagdoening van statistieke wat oor lande vergelykbaar is
1.2.6 Spesiale trekkingsregte	F bestudeer die gedrag en prestasie van 'n ekonomie as geheel
1.2.7 Stelsel van Nasionale rekeninge	G verskil in die waarde van totale uitset tussen 'n piek en 'n trog
1.2.8 Makro-ekonomie	H 'n internasionale reserwebate wat deur die IMF geskep is om die amptelike reserwes van sy lidlande aan te vul.
	I 'n opsomming van 'n land se ekonomiese aktiwiteit van produksie, inkomste en uitgawes

(8 x 1)

(8)

- 1.3 Gee EEN term vir elk van die volgende beskrywings. Skryf slegs die term langs die vraagnommers (1.3.1 tot 1.3.6) in die ANTWOORDEBOEK neer. Afkortings, akronieme en voorbeelde sal NIE aanvaar word NIE.
- 1.3.1 'n Klein aanvanklike toename in besteding produseer 'n proporsioneel groter toename in totale nasionale inkomste
- 1.3.2 'n Aanduiding van die algemene rigting van die ekonomie
- 1.3.3 Die optrede deur die Suid-Afrikaanse Reserwebank om af en toe die balans te verander wat banke moet handhaaf.
- 1.3.4 'n Doelbewuste afwaartse aanpassing aan die waarde van 'n land se geldeenheid, relatief tot 'n ander geldeenheid
- 1.3.5 'n Model wat die verband tussen belastingkoerse en belastinginkomste toon
- 1.3.6 'n Regeringsbeleid wat staatsuitgawes en belasting gebruik om ekonomiese aktiwiteit te beïnvloed (6 x 1) (6)
- TOTAAL AFDELING A: 30**

AFDELING B

VRAAG 2: MAKRO-EKONOMIE

40 PUNTE – 30 MINUTE

2.1 Beantwoord die volgende vrae.

2.1.1 Noem TWEE draaipunte van 'n sakesiklus. (2)

2.1.2 Hoe kan 'n groter marginale spaargeneigdheid (msg) die grootte van die vermenigvuldiger beïnvloed? (2)

2.2 Bestudeer die inligting hieronder en beantwoord die vrae wat volg.

NASIONALE INKOMSTE REKENINGE VAN SUID-AFRIKA		
	R miljoene	
	2020	2021
Vergoeding van werknemers	2 678 050	2 861 309
Netto bedryfsurplus	1 493 978	1 795 000
Vaste kapitaalverbruik	752 613	797 230
Bruto toegevoegde waarde teen faktorkoste	4 924 641	5 453 539
Ander belasting op produksie	118 022	131 563
Ander subsidies op produksie	13 088	12 494
A	5 029 575	5 572 608
Belasting op produkte	541 457	633 854
Subsidies op produkte	14 116	13 965
Bruto binnelandse produk teen markpryse	5 556 916	B

[Aangepas uit SARB KB, Desember 2021]

2.2.1 Watter metode van berekening word in die tabel hierbo gebruik om die bruto binnelandse produk te bepaal? (1)

2.2.2 Noem die ontbrekende item **gemerk (A)**. (1)2.2.3 Beskryf kortliks die term *subsidies op produksie*. (2)

2.2.4 Hoe sal jy BBP na BNP omskakel? (2)

2.2.5 Bereken die waarde van BBP teen markpryse vir 2021 (**B**). Toon alle berekeninge. (4)

2.3 Bestudeer die inligting hieronder en beantwoord die vrae wat volg.



Die president van Suid-Afrika het aangekondig dat die departement van energie Eskom sal oorneem. Daar was 'n poging om Eskom en die hele bedryf in dit in die laat 90's te privatiseer, maar dit is laat vaar aangesien geen private maatskappy wou meeding met onvolhoubare en onwinsgewende elektrisiteitspryse gerugsteun deur belasting en skuld nie.

[Aangepas en vertaal uit Nuus 24.net]

- 2.3.1 Noem die parastataal waarna in bogenoemde inligting verwys word. (1)
- 2.3.2 Wie is indirek verantwoordelik vir die redding van staatsondernemings in Suid-Afrika? (1)
- 2.3.3 Beskryf kortliks die term *privatisering*. (2)
- 2.3.4 Verduidelik ondoeltreffendheid as 'n kenmerk van openbare sektor-mislukking. (2)
- 2.3.5 Hoe kan staatsondernemings tot die uitbreiding van die ekonomie bydra? (4)
- 2.4 Bespreek kortliks leidende en saamvallende aanwysers as kenmerke wat in vooruitskattings gebruik word. (8)
- 2.5 Hoe kan Suid-Afrika invoer verminder om die betalingsbalanstekort (BOP) reg te stel? (8)
- [40]**

VRAAG 3: MAKRO-EKONOMIE**40 PUNTE – 30 MINUTE**

3.1 Beantwoord die volgende vrae.

3.1.1 Noem enige TWEE probleme van openbare sektor voorsiening. (2)

3.1.2 Wat is die betekenis van 'n surplus op die lopende rekening van die betalingsbalans? (2)

3.2 Bestudeer die inligting hieronder en beantwoord vrae wat volg.

Jare	2018	2019			
Kwartale	K1–4	K1	K2	K3	K4
Lopende rekening-items	R bn	R bn	R bn	R bn	R bn
Uitgevoerde goedere	1176	1193	1233	1258	1260
Netto gouduitvoer	72	56	50	70	93
Dienste ontvangste	210	208	213	215	215
Inkomste ontvangste	97	123	106	117	121
Huidige oordragte	-35	-36	-35	-36	-36
Ingevoerde goedere	1223	1207	1314	1284	1250
Betalings van dienste	218	221	229	226	230
Inkomstebetalinge	251	266	230	303	241

[Aangepas uit SARB KB, Desember 2019]

3.2.1 Gee die ekonomiese konsep wat in die tabel hierbo geïllustreer word. (1)


3.2.2 Watter lopende rekening-item word gebruik om skenkings aan te teken? (1)

3.2.3 Beskryf kortliks die term *handelsbalans*. (2)

3.2.4 Waarom is netto gouduitvoersyfers positief in Suid-Afrika? (2)

3.2.5 Bereken die saldo op die lopende rekening vir die tweede kwartaal van 2019. Toon ALLE berekeninge. (4)

3.3 Bestudeer die grafiek hieronder en beantwoord die vrae wat volg.



3.3.1 Gee 'n naam vir die grafiek hierbo gegee. (1)

3.3.2 Wat is die oorspronklike natuurlike werkloosheidsyfer in die grafiek hierbo? (1)

3.3.3 Beskryf kortliks die term nuwe *ekonomiese paradigma*. (2)

3.3.4 Verduidelik hoe die regering sy fiskale beleid kan gebruik om die herstel van 'n ekonomie te bespoedig. (2)

3.3.5 Met behulp van 'n grafiek, illustreer die effek van vraag- en aanbodkantbeleide om sakesiklusse uit te stryk. (4)

3.4 Verduidelik die effek van 'n toename in massaproduksie op internasionale handel. (8)

3.5 Hoe kan 'n resessie die verskillende ekonomiese deelnemers negatief beïnvloed? (8)

[40]

VRAAG 4: MAKRO-EKONOMIE**40 PUNTE – 30 MINUTE**

4.1 Beantwoord die volgende vrae.

4.1.1 Noem enige TWEE instrumente van die monetêre beleid. (2)

4.1.2 Hoe kan ondoeltreffendheid lei tot mislukking in die openbare sektor? (2)

4.2 Lees die uittreksel hieronder en beantwoord die vrae wat volg.

SAKESIKLUSSE

Ekonomieë kan versteur word deur baie faktore wat kan lei tot afswaaie en dit kan ook deur periodes van groei en voorspoed gaan. Lande moet maniere vind om sakesiklusse te hanteer om stabiele ekonomieë te bereik.

[Bron: [www. https://www.ekonlib.org/biblioteek/Enc/Sakesiklusse.html](https://www.ekonlib.org/biblioteek/Enc/Sakesiklusse.html)]

4.2.1 Noem die tydperk van die sakesiklus waartydens die vlak van ekonomiese aktiwiteite toeneem. (1)

4.2.2 Noem EEN tipe sakesiklus. (1)

4.2.3 Beskryf kortliks die term *sakesiklus*. (2)

4.2.4 Hoe kan natuurrampe fluktuasies in sakesiklusse beïnvloed? (2)

4.2.5 Hoe het die Keynesiaanse (endogene) denkrigting sakesiklusse beïnvloed? (4)

4.3 Bestudeer die inligting hieronder en beantwoord die vrae wat volg.

SUID-AFRIKA: HANDELSVOORWAARDES 2022			
Maand	Indeks van invoerpryse	Indeks van uitvoerpryse	Handels-voorwaardes
Januarie	108,2	102,9	95,1
Februarie	107,9	105,4	97,6
Maart	107,7	109,7	A

[Aangepas uit <https://www.statssa.gov.za/publikasies/P01427/P01427Maart2022.pdf>]

4.3.1 Identifiseer die instansie wat verantwoordelik is vir die publisering van die data hierbo. (1)

4.3.2 Wat is die tendens in die indeks van invoerpryse? (1)

4.3.3 Beskryf kortliks die term *handelsvoorwaardes*. (2)

4.3.4 Wat kan 'n verbetering in die land se handelsvoorwaardes (ruilvoet) bring? (2)

4.3.5 Bereken die handelsvoorwaardes vir Maart 2022 (A). Toon ALLE berekeninge. (4)

4.4 Bespreek kortliks absolute en komparatiewe voordeel as redes vir internasionale handel. (8)

4.5 Hoekom is prysstabiliteit belangrik om uiterste skommeling in sakesiklusse te voorkom? (8)

[40]

TOTAAL AFDELING B: 80

AFDELING C

Beantwoord enige EEN vraag van die TWEE vrae in die ANTWOORDEBOEK.

Jou antwoord sal soos volg geassesseer word:

STRUKTUUR VAN OPSTEL	PUNTE-TOEKENNING
Inleiding Die inleiding is 'n laer-orde antwoord. <ul style="list-style-type: none"> • 'n Goeie begin is om die sleutelkonsep wat met die vraag verband hou, te definieer. • Moenie enige deel van die vraag by die inleiding insluit NIE. • Moenie enige deel van die inleiding by die liggaam insluit NIE. • Vermoed dit om in die inleiding te noem wat jy in die liggaam gaan bespreek. 	Maks. 2
Liggaam Hoofgedeelte: Bespreek in detail/Diepgaande bespreking/Ondersoek /Bespreek krities/Analiseer/Vergelyk/ Evalueer/ Onderskei/Verduidelik /Teken 'n grafiek en verduidelik/ Gebruik die grafiek gegee en verduidelik/Voltooi die grafiek gegee/ Assesseer/Debatteer 'n Maksimum van 8 punte kan aan opskrifte/voorbeelde toegeken word. Bykomende gedeelte: Bespreek krities/ Evalueer/Evalueer krities/Debatteer/ Lei af/Vergelyk/Onderskei/ Interpreteer/Hoe?/Stel voor 'n Maksimum van 2 punte kan vir die blote noem van feite toegeken word.	Maks. 26 Maks. 10
Slot Enige hoërorde-slot behoort die volgende in te sluit: <ul style="list-style-type: none"> • 'n Kort samevatting van dit wat bespreek is, sonder die herhaling van enige feite wat reeds genoem is • Enige opinie of waardeoordeel oor die feite wat bespreek is • Bykomende ondersteunende inligting wat die bespreking/ontleding versterk • 'n Teenstrydige sienswyse met motivering, indien gevra • Aanbevelings 	Maks. 2
TOTAAL	40

VRAAG 5: MAKRO-EKONOMIE**40 PUNTE – 40 MINUTE**

- Bespreek in detail die markte binne die vier-sektormodel. (26 punte)
- Hoe kan die sakesektor meer positief tot die ekonomie bydra? (10 punte) **[40]**

VRAAG 6: MAKRO-EKONOMIE**40 PUNTE – 40 MINUTE**

- Bespreek in detail die hoofdoelwitte van die openbare sektor in die ekonomie. (26 punte)
- Hoe effektief is die Suid-Afrikaanse regering om volle indiensneming te bewerkstellig? (10 punte) **[40]**

TOTAAL AFDELING C: 40
GROOTTOTAAL: 150